



GOUVERNEMENT  
DE LA POLYNÉSIE FRANÇAISE

## APOORAA A TE MAU FAATERE-HAU PARAU HAAPAPA

*Mahana toru 26 no tiunu 2024*

Ua putuputu te mau Faatere-Hau i teie mahana toru nei. I roto i te mau Tumu Parau i tuatapapahia, ua haamanahia te mau Tumu Parau i muri nei (*tera mai te tahi mau haapotoraa i muri nei*) :

- MEF - .....	2
• E Vai noa te moni hoo o te mori ârahu i te 1 tiurai 2024.....	2
• Te hoê arataïraa âpi no te faaau i te hiò faahouraa o te Moni Târahuraa.....	2
- MEE - .....	3
• Moni Tauturu faataahia no te mau Fare Haapiiraa.....	3
- MJP - .....	4
• Te 35raa no te Heiva Rima î mai te 27 tiunu e tae atu 14 tiurai, nià i te tumu parau « Tiare Tahiti ».....	4
• Te Moni Tauturu i te Feia Âpi, te Tuàro e ia au i te mau faanahoraa no te Horue o te Heiva Nui 2024 .....	4
• Gener'Action « Faaàti » i te 3 tiurai.....	5



**- MEF -**

## **E Vai noa te moni hoo o te mori ârahu i te 1 tiurai 2024**

Âti aè te ao nei, te ìtehia nei te maitàraa no te oraraa faufaa o te ao nei, e e riro te reira ei tapaò e maraa atoà ai te aniraa e te tapihooraa o te mori ârahu, ia au i te parau haapapa a *Standard & Poors Global* i nià i te mau òhipa hamanihia.

I Porinetia farani nei, a taa noa atu ai te maraaraa te moni hoo i te faito +0,7 % i na âvaè hoê ahuru ma piti i haerehia mai, te moni ra no te mori ârahu e te mau hinu no te mau pereoo tatai-tahi, ua topa ia i te faito -7,5 %.

I roto i te tahi oraraa e èere te moni hoo o te mori ârahu i te mea papu roa, te hinaaro nei a te Faatereraa Hau e tamau i ta na arataàraa poritita no te parururaa i te moni hoo a te mau ùtuafare e te paèpaèraa i te faaravaàraa faufaa, i te pae no te Ito.

I mua i te reira, te riro nei te Moni Tauturu i te Pene o te mori ârahu (FRPH), ei raveà tamaru i te reira papu òre o te moni hoo, e na roto atoà i te aniraa a te Faatere Hau no te Faaravaàraa Faufaa, tiàau atoà i te mau Ito, i faaoti ai te Faatereraa Hau e tapeà noa a te moni hoo o te mori ârahu no te âvaè tiurai 2024.

## **Te hoê arataàraa âpi no te faaau i te hiò faahouraa o te Moni Târahuraa**

Ua ora mai na o Porinetia Farani nei i te tahi mau maraaraa rahi o te oraraa, na roto i te moni maa tei maraa na i te faito e 6,4 %, i te matahiti 2022 ra, ia au i te mau tuatapaparaa a te Pû Numeraraa o te Fenua nei (ISPF).

Ua topatopa rii mai ra te reira maraaraa i te matahiti 2023 ra, tera ra, ua tuì maoro o ia e ua haamaraa hoì i te moni o te mau fare târahu, ia au i teie arataàraa papi no te faatano i te hiò faahouraa i te moni târahuraa. Oia mau, te hiò faahouraa i te moni târahuraa o te fare e te piha nohoraa, te mau piha no te tapi-hooraa, no te pae o te rima î, te piha faatupuraa òhipa e no te òhiparaa, ua haamauhia ia i nià i tauuiuraa no te moni hoo o te oraraa (IPC) o te òre e mau papu to na huru e to na faito.

No te arai i teie mau maraaraa no te moni târahuraa, i roto i teie huru tupuraa taa ê, ua faaoti te Faatereraa Hau na roto i te tahi Parau Mana, e tapeà i te Moni Târahuraa mai teie atu nei e tae atu i te 29 Atete 2024. E mea faufaa, ia au i te mea e orahia nei i teie mahana, no te arai i teie tuìraa rahi no te mau tauuiuraa o te oraraa faufaa, e faaâpi i te arataàraa e tano no te hiò faahou i te Moni Târahuraa i Porinetia Farani nei.

No te paruru i te moni hoo o te mau ùtuafare e te feia patana, ua haamana te Faatereraa Hau, na roto i te tahi Parau Mana, i te hoê tauiraa no te mau faanahoraa no te hiò faahouraa i te parau no te Moni Târahuraa, tei tapaòhia i teie nei, i roto i te Matete no te tataùraa.

I roto i te hiòraa e àroi te maraaraa o te hoo, e tià i teie neino te hoê taata e târahu atu mai te taata e târahu mai, e ani i te hiò faahouraa, te maraaraa, e aore ia, te toparaa o te Moni Târahuraa, i roto i te faito e 2 %, ma te faatura atoà i te mau faanahoraa atoà i tuuhia i roto



i te Parau Faaau. Te roaraa no te Tau hiò faahouraa e te mau raveà piaraa i te ani i te hiò faahouraa, ua haamaramarama maitaìhia te reira.

Hau atu, ua faanaho atoàhia mai, te tahi mau faito tano noa, o te haamauhia atu i nià i teie hiò faahouraa, na roto i te òhipa âmuiraa e te Pû Numeraraa (ISPF). E teie hiò faahouraa i te parau no te Moni Târahuraa o te maupiha faataahia no te nohuraa, e niuhia ia i nià i teie mau numera âpi : Numera no te Moni Târahuraa (ILP). Ua haamau atoàhia te numera no te Moni Târahuraa no te mau piha faataahia no te mau tapi-hooraa (ILC), no te matutu ia i te Moni Tarahuraa no te mau piha òhiparaa rau, mai te tapi-hooraa, te Rima î, te faatupuraa òhipa.

Ei parau hopeà, e riro teie nei arataìraa âpi au maitaì, ei parurui te mau ùtuafare i mua i te mau maraaraa rahi no te mau Moni Tarahuraa e o ia atoà i te feia patana, ratou e amo nei i te tahi mau tute te haere noa atu ra i te rahiraa.

### - MEE -

## Moni Tauturu faataahia no te mau Fare Haapiiraa

Na nià i te aniraa a te Faatere Hau no te Haapiiraa, te Haapiiraa Teitei, e no te Hiroà Tumu, ua haamana to te Faatereraa Hau e horoà i te mau Moni Tauturu i nià i te faito **7.296.000 F CFP** no te oraraa e te tereraa òhipa.

Ua ôperehia te mau Moni Tauturu mai teie i muri nei :

<b>Te mau Pû Haapiiraa</b>	<b>Moni Tauturu</b>	<b>Te Tuhaa</b>
Tua-Rua no Afareaitu Moorea	Moni Tauturu i te oraraa e te tereraa òhipa faataahia no te amo i te mau òhipa arataìhia i te pae totiare, no te mau piahi tamarii e feia âpi	<b>1 800 000</b>
Tua- Rua no Arue	Moni tauturu i te oraraa e te tereraa òhipa faataahia no te amo i te mau òhipa arataìhia i te pae totiare, no te mau piahi tamarii e feia âpi	<b>1 000 000</b>
Tua-Rua no Atuona	Moni tauturu i te oraraa e te tereraa òhipa faataahia no te amo i te mau òhipa arataìhia i te pae totiare, no te mau piahi tamarii e feia âpi	<b>1 258 000</b>
Tua-Rua no Faarooa	Moni Tauturu i te oraraa e te tereraa òhipa faataahia no te amo i te mau òhipa arataìhia i te pae totiare, no te mau piahi tamarii e feia âpi	<b>1 155 500</b>
Tua-Rua no Hao	Moni Tauturu i te oraraa e te tereraa òhipa faataahia no te amo i te mau òhipa arataìhia i te pae tatiare, no te mau piahi tamarii e feia âpi	<b>2 082 500</b>



<b>ÂMUIHIA</b>	<b>7 296 000 F CFP</b>
----------------	----------------------------

**- MJP -**

**Te 35raa no te Heiva Rima î mai te 27 tiunu e tae atu 14 tiurai, nià i te tumu parau « Tiare Tahiti »**

I raro aè i te arataïraa a te Faatereraa Hau no te Tuàro, no te Feia Âpi et no te Arairaa i te Òhipa ìino, Tiàau atoà i te Rima î, te Pû Òhipa no te Rima î, te âpee nei ia, mai te mau matahiti atoà i te Tomite *Tahiti i te Rima Rau*, peretitenihia Ina UTIA, e faatupu nei i te Heiva Rima î. Te âmui nei faaiteïteraa i te feia Rima î atoà no na Taa-motu too-pae atoà, tei riro ei faufaa e ei rauraa no to tatou mau motu e no te Rima î o te fenua nei. E tupu te 35raa no teie faaiteïteraa mai te 27 tiunu e tae atu 14 tiurai i te mahora faaiteïteraa no Mamaò e te farii hoê hanere feia faaiteïte.

E riro teie tupuraa òhipa i te haafaufaa atu a i te taa êraa e te rauraa no te Taa-motu tataï-tahi na roto i teie tumu parau o te « Tiare Tahiti ». I roto i te Tereraa Òhipa, ua tapaò atoàhia te tahi mau taime faaiteïteraa, tataùraa, haapiipiiraa, e rautiraa hoi na roto i te òri, te ùpaùpa e te tamatamataraa te tahi mau maa.

I te mau mahana atoà, e fanaò te taata mataïtai, i te tahi mau vahi òhiparaa ma te ìte atu i te mau tauihaa i hamanihia i roto i te mau taime tataùraa, mai te niraraa Tifaifai, te hoê tâhirihihi rahi hoê metera i te teitei, e te tahi hei àrapoà i nià i te Tumu Parau no te Tiare Tahiti. E noa atoà te mau faaiteïteraa rau i te mau mahana tataï-tahi, hou a ôpani atu ai i te hopeà hepetoma hopeà na roto i te mahana maðhi, e te mau rautiraa, himeneraa e te ôpereraa i te mau Rê no te mau tataùraa atoà.

Ua tapaòhia te mahana maha 27 tiunu i te hora 10, e ìriti ai teie nei peho Rima î i te Âua no Mamaò. Te mau hora i faataahia no te feia mataïtai, mai te 8h30 ia e tae atu i te 5h30 i te ahiahi. E tuuhia atu te faahuàhuàraa no te Tapura Òhipa i nià i te natireva [www.artisanat.pf](http://www.artisanat.pf).

**Te Moni Tauturu i te Feia Âpi, te Tuàro e ia au i te mau faanahoraa no te Horue o te Heiva Nui 2024**

Na roto i te aniraa a te Faatere Hau no te Tuàro, no te Feia Âpi et no te Arairaa i te mau Òhipa ìino, ua haamana te Faatereraa Hau i te tahi Moni Tauturu no te Faaòhiparaa e : **42.560.941 F CFP.**

Ua tuhahia te mau Moni Tauturu mai teie i muri nei :

**I te pae o te Feia Âpi** no te amo i te mau faanahoraa atoà no teie matahiti 2024 :

- Tâàtiraa “*Puna Reo Pihàèina*” : 4.500.000 F CFP ;



- Tââtiraa “Tomite Porotetani no te Haapiiraa Tapati” : 2.694.250 F CFP ;

### **I te pae no te Tuàro** no te amo i te mau faanahoraa atoà no teie matahiti 2024 :

- Âmui-tahiraa no Tahiti no te “Squash” : 370.000 F CFP ; .  
Âmui-tahiraa no no te “Karaté” e te mau tuàro tapiri :  
750.000 F CFP.

### **I roto i te mau faanahoraa no te Horue o te Heiva Nui 2024 :**

- Taâtiraa no te Fare Haapiiraa Tua-Tahi no Manotahi : 500.000 F CFP no te amo i te tahi tuhaa no te moni i faaòhipahia no te tere i Montpellier o tei tupu na mai te 4 e tae atu i te 16 Me 2024, no te tià atu no te tereraa o te Rama e no te âmui atu i roto i te Ôroà Rahi no te mau Tuàro Teitei;
- Tââtiraa “Les petits Princes de Aimeho” : 500.000 F CFP no te amo i te tahi mau haamauàraa iti na roto i te faatupuraa te tahi no te piha CM2 no Teàvaro i Teahupoo mai te 10 e tae atu i te 14 tiunu 2024 i roto i te faanahoraa no te Heiva Nui o te Horue 2024 e no te âmui atoà i te mau Ôroà no te Rama Ahi tei haapaòhia i te 13 tiunu i maìri aè nei i roto i Âua no Paòfai :
- Tââtiraa “Te Tama Tià hou” - Âmui-Tahiraa o te Feia Âpi no Porinetia : 33.246.691 F CFP no te amo i te faanahoraa e te faatupuraa i te “heiva Taravana” 2024.

## **Gener'Action « Faaàti » i te 3 tiurai**

Gener'Action “Faaàti” o te hoê ia ôpuaraa faufaa rahi tei titau e haamaitaì i te oraraa o te feia âpi no te mau aroa fifi, ma te ìriti i mua ia ratou i te ùputa no te ao o te òhipa. Ma te faatura i to ratou huru e te âpiti i te malmiraa e te faaineineraa, te titau atoà nei teie ôpuaraa e patu i te tahi ànanahi maitaì aè o te tâhoê te taatoàraa. O te tahi teie hiòraa âpi paèpaèhia e te Pû no te Aairaa i te Òhipa ìino o te feia âpi (DPDJ). No roto mai teie arataìraa âpi, i te mau tapura òhipa arataìhia e “Gener'Action” o te tupu atu i te mahana toru 3 tiurai mai te hora 7.30 e tae atu i te hora 4.30, na roto i te tahi tere faaàti ia Tahiti na nià i te pereoo mataèinaa.

Ua ìte atoà-hia e, e rave rahi o teie feia âpi, e aita e raveà, e aore ia, aita hoì e fanaò ra i teie mau faanahoraa taa ê, i rapae aè i te ôtià o to ratou aroa, e aore ia, to ratou mau òire, no reira, te riro nei teie nei ôpuaraa ei pahonoraà papu no teie nei fifi ma te âpiti i te ìte i te tahi vahi taa ê atu e te farereiraa i te pae o te òhipa.

### **Te mau Fâ o teie Ôpuaraa :**

- Te mataìtaìraa ia i te fenua : te faatearaa mai i te feia âpi mai roto mai i to ratou vahi nohoraa tamau, no te haafanaò ia ratou i te mau faufaa tupuna, te mau âai, te aru-tai-mareva o to ratou fenua.



- Faaôraa i roto i te òhipa : faaôhie te farereiraa i rotopû i te feia âpi e te mau fatu taiete no te mau tuhaa òhipa e rave rau, ma te faaitoito maitaï i te tihepuraa òhipa na roto i te mau haapiipiraa, te faaineineraa e te tahi atoà taime, te horoà roaraa i te òhipa.
- E riro ei faufaa no te taata tataï-tahi : faaitoito te taata tataï-tahi i roto i to na matararaa e haapapuraa i to na tiaturiraa ia na iho na roto i te tahi mau arataïraa âpi, te mau farereiraa âpi e te tahi vahi faataahia no te faarooraa haapaðhia mai e te tahi mau òrometua àravahi.
- Te faatuàtiraa : Haamau i te tahi faanahoraa e tià ai i te feia âpi i te faatuàtiàti ia ratou, te mau fatu taiete e te mau puai ora o te fenua e te riro i te vai maoro i roto i te tau ia hope teie ôpuaraa.

### **Te Tatararaa o teie Ôpuaraa :**

Gener'Action “Fa'a'ati” o te tahi ia ôpuaraa tamau e te hoï noa mai, e rave rahi mau vahi tapeàraa faufaa i faanahohia àti aè te fenua. Ua tarenahia e ia riro teie mau vahi tapeàraa tataïtahi ei taime e horoàhia i te feia âpi ia âpo mai e ia farii i te maitaï e te faufaa e vai ra i roto i teie mau raveà e faaðhipahia no ratou.

### **Te tere Faaàti, te mau vahi tapeàraa i faaauhia :**

#### **Vahi tapeàraa 1 :**

Te huru o te òhipa i roto i te hoê taiete :

Punaauia – Te Fare Manaha no Tahiti e te mau motu

Te hora : 8h00 – 9h30

Tereraa òhipa : Farereiraa i te mau fatu taiete e te mau taureàrèa fatu taiete o te fenua nei i roto i te rauraa o te mau tiàraa òhipa.

#### **Vahi tapeàraa 2 :**

Te òhipa taàvaè e te faaineineraa i nià i te tiàraa òhipa

Papara – Atimaono

Te hora : 10h00 – 11h00

Tereraa òhipa : Farereiraa i te mau fatu taiete i nià i te tumu parau no te òhipa tâavaè.

#### **Vahi tapeàraa 3 :**

Tutonu i nià i te òhipa faaâpu

Papeari – Motu Ovini

Te hora : 11h30 – 1h30 i te taharaa mahana

Tereraa òhipa : Farereiraa i te feia faaâpu e te feia faaâpu natura e te feia faaâpu ma te faaðhipa i te mau faanahoraa o te pape.

#### **Vahi tapeàraa 4 :**

Tere mataïtài ia Teahupoo :

Te hora : i te ârea no te 2h30 i te taharaa mahana

Tereraa òhipa : Mataïtài i te tahua tuiroo no Teahupoo e tae noa atu i te Èà-Turu âpi o te Heiva Nui Tuàro.

#### **Vahi tapeàraa hopeà :**

Tere mataïtài i na toparaa pape too-toru e ia Ana-Hoho :

Te hora : i te ârea no te 3h30 i te taharaa mahana



GOUVERNEMENT  
DE LA POLYNÉSIE FRANÇAISE

Tereraa òhipa : mataitai i te toparaa pape matamua noa e tae noa atu ia Ana-Hoho.



### Découverte de l'entrepreneuriat :

Puna'auia- Musée de Tahiti et ses îles

**Heure :** 8h00 - 9h30

**Activités :** Rencontre avec les acteurs de l'entrepreneuriat et des jeunes entrepreneurs locaux de divers domaines.



GOUVERNEMENT  
DE LA POLYNÉSIE FRANÇAISE


# gener' action FA'A'ATI

## Le salariat et la formation professionnelle :


Papara - Atimaono

Heure : 10h00-11h00

**Activités :** Rencontres avec des professionnels axées sur le travail salarié.



## Arrêt 3 :



## Focus sur l'agriculture:

Papeari - Motu Ovini

Heure: 11h30 - 13h30

**Activités :** Rencontre avec les professionnels de l'agriculture et des agriculteurs bio et aquaponie.





GOUVERNEMENT  
DE LA POLYNÉSIE FRANÇAISE

# gener' action

## FA'A'ATI

### Visite de Teahupo'o :

Heure : Aux alentours de 14h30

Activités : Visite du site mythique de Teahupo'o et de la nouvelle passerelle des jeux Olympiques.



### Visite du site des 3 cascades et du Trou du souffleur :

Heure : aux alentours de 15h30

Activités : Visite de la première cascade uniquement et du trou du souffleur.



**Retour à Papeete aux alentours de 16h30.**

SERVICE DE LA COMMUNICATION